

UTIERI E I SA FESTA ' E SU REMEDIU

Sa zittad'est a forma ' e lebreri
ma giughet chiscios e fundu ' e oro,
est capitale, centru ' e Logudoro,
e possedit su Campu ' e Utieri,
inu' est ogni tanca unu forseri,
unu siddadu, unu riccu tesoro;
e de tancas bi nd'hat arre' arreu
e dognuna cun dogni bene ' e Deu.

Bestiamines mannos e minores
b'abbundan e bi pattian in paghe,
tra Chilivani, Ardara e Piaghe,
immens'aidatone finz'a Mores,
possessos de pastura, de laores,
gruttas antigas e calchi nuraghe.
A pes de monte in d'un amenu logu
Bisarcu, cheia ' e Sant'Antiogu.

E in sa ch'ighedda cappuzzina ,
subra ' e Utieri in bell'altura,
b'est sa Virgine Santa sas prus pura,
Mamma ' e Deu, opera divina,
e Mamma nostra, celeste Reina
Remediu ' e ogni disaura.

Venerad'in Ispagna e in Sardigna
cun tale numen ca nd'est tantu digna.

Su trinta ' e cabidanni, grand'onore
li rendimus ca est sa die Sua:
Sa festa ' e sa Madonna ' e su Remediu .

Ma Mamma, ' e puridade e de amore,
accansa sempre ogni grascia Tua,
e ispezza a sos males ogni assediu.

Cuccureddu Chio Eius

Oriстано-Via La Marmora, N. 3.